



BOSNIA AND HERZEGOVINA
Ministry for Human Rights and Refugees

Broj: JN-05-16-4-13-13/20
Datum: 16.6. 2020. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 68. stav (1) tačka b), a u vezi s članom 69. stav (1) tačka b) i člana 70. stav (4) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za nabavke, broj: JN-05-16-4-13-12/20 od 10.06.2020. godine, u postupku nabavke usluge revizije FIGAP II Programa, donosi sljedeću:

ODLUKU
o poništenju postupka za nabavku usluge revizije FIGAP II Programa

Član 1.

Poništava se Odluka o izboru najpovoljnijeg ponuđača za nabavku usluge revizije FIGAP II Programa, broj: JN-05-16-4-13-9/20 od 05.06.2020. godine kojom je Ugovor o nabavci usluge revizije FIGAP II Programa dodijeljen ponuđaču AUDITING d.o.o. Sarajevo, ul. Trebevička 7, 71 000 Sarajevo, ponuda broj: 84/20, od 18.05.2020. godine, za ponuđenu ukupnu cijenu ponude bez PDV-a od 5.600,00 KM, odnosno 6.552,00 KM sa PDV-om, kao najpovoljnijem ponuđaču.

Član 2.

Poništava se postupak nabavke usluge revizije FIGAP II Programa iz razloga što nema drugih kvalifikovanih ponuđača.

Član 3.

Ova Odluka će se objaviti na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Za izvršenje ove Odluke se ovlašćuje i zadužuje Sektor za opće, pravne i finansijsko-materijalne poslove Ministarstva za ljudska prava i izbjeglice BiH.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluge revizije FIGAP II Programa, broj: JN-05-16-4-13-1/20 od 10.04.2020. godine. Javna nabavka je provedena putem konkurentskog zatjeva za dostavu ponuda za nabavku usluge revizije FIGAP II Programa. Procijenjena vrijednost javne nabavke je 6.000,00 KM bez PDV-a, odnosno 7.020,00 KM sa PDV-om. Obavještenje o nabavci, broj: 679-7-2-13-3-12/20 od 05.05.2020. godine je objavljeno na Portalu javnih nabavki. Tenderska dokumentacija, broj: JN-05-16-4-13-2/20 od 05.05.2020. godine. Komisija za nabavke imenovana je Odlukom broj: broj: 02-16-4-344-1/20 od 07.02.2020. godine.

Odlukom o izboru najpovoljnijeg ponuđača za nabavku usluge revizije FIGAP II Programa, broj: JN-05-16-4-13-9/20 od 05.06.2020. godine je dodjeljen Ugovor o nabavci usluge revizije FIGAP II Programa dodijeljen ponuđaču AUDITING d.o.o. Sarajevo za ponuđenu ukupnu cijenu ponude bez PDV-a od 5.600,00 KM, odnosno 6.552,00 KM sa PDV-om, kao najpovoljnijem ponuđaču.

Ugovorni organ je ponuđaču AUDITING d.o.o. Sarajevo uputio Obavještenje o rezultatu postupka javne nabavke broj: JN-05-16-4-13-10/20 od 05.06.2020. godine, u kojem se navodi da je izabrani ponuđač dužan dostaviti dokaze o kvalifikovanosti u skladu sa članom 45. stav (1) tačke c) i d) i člana 47. stav (1) tačke c) Zakona o javnim nabavkama u roku od 5 (pet) dana nakon što bude obaviješten od strane ugovornog organa o rezultatima postupka nabavke.

Dana 08.06.2020. godine zaprimljeni su dokazi kvalifikovanosti iz člana 45. stav (1) tačke c) i d) i člana 47. stav (1) tačke c) Zakona o javnim nabavkama, dostavljeni od izabranog ponuđača AUDITING d.o.o. Sarajevo.

Uvidom u dostavljene dokaze utvrđeno je da je izabrani ponuđač po pitanju dokaza iz člana 45. stav (1) tačke c) i d) Zakona o javnim nabavkama dostavio:

- Uvjerenje uprave za indirektno-neizravno oporezivanje, Regionalni centar Sarajevo, broj: 02/6/II-16-11-20-4051-1/20 od 01.06.2020. godine.

- Uvjerenje Porezne ispostave Novo Sarajevo, Kantonalni porezni ured Sarajevo, Porezna uprava Federacije BiH broj: 13-9/3-12-5-3166/20 R.M, od 01.06.2020. godine.

Članom 68. stav (1) Zakona o javnim nabavkama je propisano da ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona.

Tačkom 3.1.1. Tenderske dokumentacije je, između ostalog, navedeno da dokazi iz člana 45. stav (1) tačke c) i d) Zakona o javnim nabavkama, koje je izabrani ponuđač dužan dostaviti, moraju sadržavati potvrdu da je u momentu predaje ponude ispunjavao uslove koji se traže ovom TD. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Uvidom u dostavljeno Uvjerenje Porezne ispostave Novo Sarajevo, Kantonalni porezni ured Sarajevo, Porezna uprava Federacije BiH broj: 13-9/3-12-5-3166/20 R.M, od 01.06.2020. godine i Uvjerenje uprave za indirektno-neizravno oporezivanje, Regionalni centar Sarajevo, broj: 02/6/II-16-11-20-4051-1/20 od 01.06.2020. godine utvrđeno je da ista nisu u skladu sa Aneksom 4 Tenderske dokumentacije i da izabrani ponuđač istim nije dokazao da u momentu predaje ponude, odnosno dana 07.05.2020. godine kada je dao Izjavu o ispunjenosti uslova iz člana 45. stav (1) tačka c) i d) Zakona o javnim nabavkama, ispunjava uslove iz člana 45. stav (1) tačka c) i d) Zakona o javnim nabavkama.

Na osnovu naprijed navedenog, postupak nabavke usluge revizije FIGAP II Programa se poništava.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu dokaza, u skladu Zakonom o javnim nabavkama i kriterijima iz Tenderske dokumentacije.

U postupku ocjene provedenog postupka, ministar za ljudska prava i izbjeglice BiH nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je utvrđeno da izabrani ponuđač AUDITING d.o.o. Sarajevo nije dostavio dokaze da u momentu predaje ponude, odnosno dana 07.05.2020. godine kada je dao Izjavu o ispunjenosti uslova iz člana 45. stav (1) tačka c) i d) Zakona o javnim nabavkama, ispunjava činjenice iz člana 45. tačke c) i d) Zakona o javnim nabavkama, te da se postupak poništava u skladu sa Zakonom o javnim nabavkama, podzakonskim aktima i Tenderskom dokumentacijom.

Na osnovu naprijed navedenog, a u skladu sa članom 68. stav (1) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.



Dostaviti:

- Ponuđaču,
- Sektoru za opće, pravne i finansijsko-materijalne poslove,
- a/a.